



REPUBLIKA E SHQIPËRISË
AUTORITETI I KOMUNIKIMEVE ELEKTRONIKE DHE POSTARE
- Këshilli Drejtues -

V E N D I M

Nr.2693, datë 27.10. 2016

Për

**“Miratimin e disa shtesave dhe ndryshimeve në Rregulloren nr. 12, datë 07.04.2010
“Për të dhënat statistikore dhe financiare periodike të sipërmarrësve të rrjeteve
dhe/ose shërbimeve të komunikimeve elektronike” e ndryshuar””**

Këshilli Drejtues (KD) i Autoritetit të Komunikimeve Elektronike dhe Postare (AKEP), i përbërë nga:

1. Z. Piro	Xhixho	Kryetar
2. Z. Alban	Karapici	Anëtar
3. Zj. Anila	Denaj	Anëtar
4. Zj. Ketrin	Topçiu	Anëtar
5. Zj. Klarina	Allushi	Anëtar

dhe sekretare Znj.Sara Reçi, në mbledhjen e datës 27.10.2016, sipas procedurës së përcaktuar në ligjin nr. 9918 datë 19.05.2008 “Për Komunikimet Elektronike në Republikën e Shqipërisë”, i ndryshuar, dhe Rregullore e Brendshme e AKEP, miratuar me Vendimin Nr.2506, datë 30.10.2014 të Këshillit Drejtues të AKEP, shqyrtoi çështjen me objekt:

**Miratimin e disa shtesave dhe ndryshimeve në Rregulloren nr. 12, datë 07.04.2010
“Për të dhënat statistikore dhe financiare periodike të sipërmarrësve të rrjeteve
dhe/ose shërbimeve të komunikimeve elektronike” e ndryshuar.**

B A Z A L I G J O R E:

1. Gërma p) dhe nj) e nenit 8, nenet 31-39, neni 16, 110, 114 dhe 115 i ligjit nr. 9918, datë 19.05.2008, “Për komunikimet elektronike në Republikën e Shqipërisë”, i ndryshuar (**Ligji nr.9918**);
2. Rregulloren nr. 12, datë 07.04.2010 “Për të dhënat statistikore dhe financiare periodike të sipërmarrësve të rrjeteve dhe/ose shërbimeve të komunikimeve elektronike”, e ndryshuar (**Rregullore Nr.12**).

3. Vendimi 2687, datë 08.09.2016 i Këshillit drejtues “Miratimin për këshillim publik të disa ndryshimeve në Rregulloren nr. 12, datë 07.04.2010 “*Për të dhënat statistikore dhe financiare periodike të sipërmarrësve të rrjeteve dhe/ose shërbimeve të komunikimeve elektronike*”, e ndryshuar”; (**Vendimi 2687**)
4. Udhëzuesi “Për procedurat e Këshillimit Publik”, miratuar me Vendim nr.1183, datë 10.03.2010, të Këshillit Drejtues të AKEP,

K Ë S H I L L I D R E J T U E S:

Nga shqyrtimi i materialit shkresor si dhe diskutimeve në mbledhje mbi çështjen, si dhe duke i'u referuar bazës ligjore të sipërcituar,

V Ë R E N:

1. Dokumentacioni i paraqitur nga Drejtoria e Rregullimit Ekonomik dhe Statistikave (DRRES), përbëhet nga:
 - a. Projekt Vendimi i KD i formatuar dhe arsyetuar sipas përcaktimeve të parashikuara në Ligjin 44/2015;
 - b. Relacioni shoqërues i Projekt-Vendimit;
 - c. Dokumenti: “*Komentet e palëve të interesuara dhe qëndrimi i AKEP mbi komentet*”;
 - d. Komentet e palëve të interesuara për ndryshimet e propozuara nga AKEP;
 - e. Dokumenti me Shtesat dhe Ndryshimet në Rregullore nr. 12, “*Për të dhënat statistikore dhe financiare periodike të sipërmarrësve të rrjeteve dhe/ose shërbimeve të komunikimeve elektronike*”, e ndryshuar;
 - f. Formularët me treguesit e rishikuar që operatorët e komunikimeve elektronike duhet të depozitojnë në AKEP
2. Rregullore nr. 12, “*Për të dhënat statistikore dhe financiare periodike të sipërmarrësve të rrjeteve dhe/ose shërbimeve të komunikimeve elektronike*” është ndryshuar nga Këshilli Drejtues i AKEP me Vendimin nr. 2516, datë 6.11.2014, pas procesit të këshillimit publik. Ndryshimet e miratuara me VKD 2516/2014 përfshinin ndryshime të rëndësishme të rregullores dhe formularëve të të dhënave statistikore që duhet të raportojnë periodikisht sipërmarrësit e rrjeteve dhe shërbimeve të komunikimeve elektronike pranë AKEP. Me Vendim 2687/2016 AKEP vendosi të këshillojë më palët e interesuara disa saktësime të përkufizimeve, shtim të disa treguesve dhe ndryshime të disa afateve.
3. Propozimi DRRES për amendimin e Rregullores nr. 12, “*Për të dhënat statistikore dhe financiare periodike të sipërmarrësve të rrjeteve dhe/ose shërbimeve të komunikimeve elektronike*”, e ndryshuar, përfshijnë:

- a. Saktësimin e përkufizimeve dhe shtimin e disa treguesve për aksesin broadband në Internet nga rrjetet celulare, përfshirë për rrjetet 4G;
 - b. Shtimin e disa treguesve për të ardhurat nga shërbimet e aksesit broadband në Internet dhe paketat e integruara në rrjetet fikse dhe celulare;
 - c. Ndryshimin e disa afateve të raportimit të formularëve nga sipërmarrësit dhe publikimin e tyre nga AKEP.
4. DRRES ka përgatitur ndryshimet e propozuara pasi është konsultuar paraprakisht me operatorët kryesorë në treg nëpërmjet një takimi pune në AKEP në Qershor 2016, nëpërmjet komunikimeve në mënyrë elektronike dhe nëpërmjet procesit të Këshillimit Publik me këta operatorë (Albtelecom, Vodafone Albania, Albanian Telekom dhe Plus Communication).
5. Konsultimi publik u krye në periudhën 08.09.2016 – 10.10.2016. Në përfundim të periudhës së konsultimit u dërguan komente nga palët e interesuara.
 - Albtelecom
 - Vodafone Albania
 - Plus Communication
 - Telekom Albania
6. Ndryshimet e propozuara në formularë dhe në rregullore gjykohen të arsyeshme për shkak të zhvillimeve të tregut, kërkesave të institucioneve ndërkombëtare dhe objektivit të përmirësimit të cilësisë së të dhënave të raportuara nga operatorët dhe të publikuara nga AKEP.
7. AKEP në zbatim të ligjit nr. 9918, datë 19.05.2008, i ndryshuar çmon si të arsyeshme miratimin e disa shtesave dhe ndryshimeve në Rregulloren nr. 12, datë 07.04.2010 “Për të dhënat statistikore dhe financiare periodike të sipërmarrësve të rrjeteve dhe/ose shërbimeve të komunikimeve elektronike”, e ndryshuar.

P Ë R K Ë T O A R S Y E:

Referuar bazës ligjore sa mësipër,

V E N D O S:

1. Të miratojë shtesat dhe ndryshimet në Rregulloren nr. 12, datë 07.04.2010 “*Për të dhënat statistikore dhe financiare periodike të sipërmarrësve të rrjeteve dhe/ose shërbimeve të komunikimeve elektronike*” e ndryshuar, sipas dokumentit bashkëlidhur ne Aneks 1.

2. Të miratojë qëndrimin e AKEP mbi komentet e palëve të interesuara sipas dokumentit bashkëlidhur: *“Komentet e palëve te interesuara dhe qëndrimi i AKEP mbi komentet”*, sipas dokummentit bashkëlidhur në Aneks 2.
3. Ky Vendim dhe dokumentet e miratuara të publikohen në faqen e internetit të AKEP www.akep.al.

Ky vendim hyn në fuqi në datën e miratimit të tij.

K R Y E T A R I
Piro XHIXHO

ANËTARË:

1. Alban **KARAPICI**
2. Anila **DENAJ**
3. Ketrin **TOPÇIU**
4. Klarina **ALLUSHI**

Aneks 1: Shtesat dhe Ndryshimet ne Rregulloren nr. 12, datë 07.04.2010, “Për të dhënat statistikore dhe financiare periodike të sipërmarrësve të rrjeteve dhe/ose shërbimeve të komunikimeve elektronike”, e ndryshuar

I. Në Nenin 4, hiqet pika 2/a/vi: Fomulari F: Te dhena vjetore per numrin e pajtimtareve sipas qarqeve, zonave urbane dhe rurale.

II. Në nenin 4, pika 3, zëvendësohet me sa më poshtë:

3. Formularet me treguesit perkates dhe shpjegimet e nevojshme jane pjese e kesaj rregulloreje (Aneks 1) dhe publikohen nga AKEP ne moduln perkates on-line te AKEP per kete qellim. Drejtoria perkatese e AKEP pergjegjese per statistikat mund te kryeje sakesime te perkufizimeve dhe sqarimeve te treguesve te formularave per permiresimin e tyre.

III. Neni 5 bëhet:

Afatet e plotesimit te formulareve dhe menyra e raportimit

1. Informacioni dhe te dhenat e kerkuara sipas Formulareve G dhe H, raportohen on-line nga sipermarresi cdo 3 muaj:
 - a. Brenda dates 30 Prill te cdo viti: te dhenat e Tremujorit te I-re Janar-Mars (T1) te vitit kalendarik korrent;
 - b. Brenda dates 30 Korrik te cdo viti: te dhenat e Tremujorit te II-te Prill-Qershor (T2) te vitit kalendarik korrent;
 - c. Brenda dates 30 Tetor te cdo viti: te dhenat e Tremujorit te III-te Korrik-Shtator (T3) te vitit kalendarik korrent;
 - d. Brenda dates 30 Janar te cdo viti: te dhenat e Tremujorit te IV-t Tetor-Dhjetor (T4) te vitit kalendarik paraardhes;
2. Informacioni dhe te dhenat vjetore te kerkuara sipas Formulareve A, B, C dhe D raportohen on-line nga sipermarresi cdo vit brenda dates 30 Janar te vitit kalendarik pasardhes.
3. Informacioni dhe te dhenat financiare te kerkuara sipas Formularit E raportohen on-line nga sipermarresi cdo vit brenda dates 10 Prill te vitit kalendarik pasardhes.
4. Sipermarresi ka detyrimin qe per cdo periudhe raportimi te plotesoje formularet perkates dhe raportoje të dhenat në AKEP sipas afateve,udhezimeve dhe perkufizimeve ne kete rregullore dhe aneksin e saj, si dhe udhezimeve per perdorimin modulit on-line perkates te AKEP per kete qellim

IV. Në Nenin 8, pika 1/c/i bëhet:

- i. Te dhenat tre-mujore publikohen nga AKEP brenda 30 diteve nga afati i depozitimit te te dhenave nga sipermarresit, pervec rasteve kur eshte e nevojshme sakesimi i tyre nga sipermarresit;

- V. Formularët e treguesve të rrjeteve dhe shërbimeve të komunikimeve elektronike (Aneks 1 i Rregullores nr.12, të miratuar me VKD nr. 1214 datë 07.04.2010, i ndryshuar) të zëvendësohen me Formularët e rinj që miratohen nëpërmjet këtij vendimi.**